

思伯子堂詩集

思伯子堂詩集卷七

建甯張際亮亭甫

二月初六冒雨發邵武與家繁露孝廉別次日至

寶積飲王莘夫

臣鶴

秀才家遂借至大準園宿江

氏別業次日與家素先

文

秀才及莘夫別乙酉

丞相祠堂曲水寒

李忠定祠在五曲水旁

菖溪遺草久凋殘

翁浪

家菖溪翠從九人皆有詩名今惟華谷先生詩緝

刻于泉州滄浪詩話板存吾邑朱沁軒刺史家

江山

二月流鶯語風雨千年去馬看到處故交皆戀別此生

懷古敢求安西園正有花如雪留待他時對酒闌

江氏西園

推爲名勝主人苦留信宿

思伯子堂詩集

卷七

三月十九日至光澤止高雨農舍人繡草廬臨行
前夕留別舍人上官寅齋何厚菴兩孝廉

少小讀詩書長大去鄉里內多慙骨內外豈信朋友堂
堂數君子愛我不我鄙交懽慕道義忘年略輩齒我過
必我責我善必我美相思必命駕相迎必倒屣留我居
未夏秋再至止意氣尙清狂存沒判悲喜所庵與金門
兩賢皆國士空爲歎逝賦夜臺豈知此春風解我愁吹
波長綠水分手告登舟復追挽行李感念倍惆悵不寐
中夜起舍人好別業梧竹映窗几四度我下榻諸公勞

願視留詩在壁間如常見我耳明朝定挂席帆月向滄海

阮石梅應侯同年登岳陽樓圖

我聞洞庭八百里怪哉收入生綃閒浪花濤頭勢吞吐
蒼梧帝子何時還仲容意度本絕俗清詞咳唾皆珠玉
昨來弔古岳陽樓吹笛湖天裂斑竹巴陵萬古秋風多
九疑慘綠連湘波千檣銜尾似鴉去雲水噴薄愁黿鼉
風流太守能好事載酒君山謀夜醉照山丹月大如盆
萬頃湖光盪金翠湖光浸月月倒空樓臺氣冷魚龍宮
高歌挂帆返海上至今興在披圖中十年我亦浪遊客

越浦吳門總陳迹對此因之一眼明娟娟楚水搖山碧
石甫明府招游鼓山令姪慎之繼光林七梅友同
行余得斷句七首

我方入山來水自出山去問水去何心忘卻爾來處
東際橋

四大本來空袈裟亦塵土何如著破衲相見無賓主
更衣亭

眾生自生滅佛性自自然魚樂佛不知池上餘春煙
放生池

截斷眾流時但憑腳根穩非旛亦非風此義試三反

喝水巖

本來無可歸水石意亦得誰師面壁人十年不火食
忘歸石

無門而有門石頭路最滑多事晏禪師不如此跌殺

石門

無眼耳鼻舌何事留牙齒我請付茶毘佛應大歡喜

佛牙

十月十一去福州作

十年八度來羈旅固已久失意逐科名形容日瘦醜浩
然決歸計餞飲勞良友問我去何爲高堂奉老母兩兄

思作于堂詩集卷八
三
餘四十謀生困家口自與伯氏別二載各奔走頗聞近
向衰鬢鬢鬚且有讀書愧孝弟時命屢不偶茲行無以
慰彷徨瞻馬首

孟冬朔氣至蕭蕭多寒風驅車郭門外矯首紛飛蓬大
江無留波游子無定蹤一身如白日旦暮歧西東送者
互執手對酒慘不終人生有大別此別尙再逢君爲沙
上雁我爲雲中鴻

滔滔江中水寫此一寸心寸心無斷絕俯仰愁江濤予
美在何許乃在北山岑山中風雨多猿鳥晝哀吟褰裳
不可卽目斷青楓林楓林暮蕭蕭江水日夜深

出曠野落日天蕭條秋風鍛羽翮安得當雲霄白
草何茫茫狐兔亦已驕焉知鷲猛性臭腐不可招扁舟
永言邁川塗廣且遙浩歌感夙昔庶免迷陽嘲

遊玉華洞

入洞若甕若黑煙洞內萬石各倒懸雙持炬火燭怪異
但見鬼佛參神仙或現牟尼髻或擎羅漢拳或類枯僧
定或貌少女妍或突象奮怒或蟠龍蜿蜒或側虎踞踞
或垂牛飲川或鳥上挂木或魚下戲蓮或楓之瘦醜或
桐之蒼堅窪之爲井竈凹之爲池田露之爲浮拱廣之
爲長筵張爲簾幙大澗爲金珠圓豔爲丹沙吐輝爲碧

玉鮮就中奇狀不可一一寫直疑山鬼煉出媧皇先不
然盤古豈狡獪留此萬載不闢洪荒天昏沈石壁訝海
底燦爛石髓如星墜雪花雨氣總不到祇有十圍鍾乳
百丈雷淵陰風驟起吹毒園我時逡巡莫敢前恐天摧
地陷山飛水走失足一墮真千年何況巨石壓頂低石
礙肩小語輒響谷因顧心茫然其高或昂首而鶴馭其
險或側足而猱緣其深長不能以里計或言下通溟渤
之壑有神人羽客桑麻宅舍交相連石門在青田縣石梁觀
音龍鼻三洞皆在雁蕩靈源洞在福州亦勝絕無此嶽崎幽窅豁
峭拔而綿延半規殘月忽到眼照影又在瓊樓邊分明

斗轉夜欲曙夢覺起聽蕭蕭泉導者竟自去久之始出
洞後之崖巔幻耶真耶不可傳白日未落搖歸鞭

泊吳城登望湖亭

丙戌

江上樓臺隱落暉青天斷處數帆微宮亭湖畔春來雁
何事隨人向北飛

湖中望廬山

千丈廬山瀑晴空化白雲光輝照湖水彩翠共氤氳不
見東林寺飄飄鸞鶴萃輕帆趁風利何處問匡君

湖口守風

吳頭楚尾望如何九派江聲起白波彭澤天低唯鳥度

薄陽風斷少人過蕭蕭向暝斜陽遠渺渺生寒積水多
今夜不眠愁暮角故山回首隔煙蘿

襄陽船戶曲

葉葉風帆泝武昌船船兒女半襄陽生涯不信真飄泊
但飲江流卽故鄉

昨宵下水泊吳城幾日還揚漢口船生怕看山看大崩
不如望見望湖亭

吳城望湖亭俗傳陳友諒與明太祖
戰鄱陽湖中其妻嘗登此望陣故或

呼爲
望夫

鄱陽湖勝洞庭湖如鏡湖光照大孤分取兒家作眉黛
不知還勝小姑無

大孤山沿小孤呼小
姑之訛亦呼爲大姑

江湖生長不須悲，浪宿濤餐共護持。
郎在船頭妾在尾，風波何處肯相離。

夜泊大風

江水忽飛嘯，驚風夜倒翻。
波濤鬪蛟鱷，神鬼出乾坤。
暗燭寒搖淚，孤舟獨擁魂。
命知賦窮滿，忠信總難論。

清明日宋埠驛中作

屬麻城

倦游何處不思家，況復清明感歲華。
楚水東流人北去，越天南望日西斜。
樓烏隔院初藏柳，語燕臨風正落花。
惆悵招魂猶舊俗，荒原兒女自喧譁。

汝甯舟中

浩浩過吳楚，栖栖復蔡陳。江雲曾帶客，汝水解流人。
作雨花催晚，爭泥燕戀春。扁舟足羈思，容易失芳辰。

陳州道上作

謝傅風流盡，當時驛騎虛。地承皇古舊，人出潦荒餘。
牛馬連鈴鐸，烏鴉繞宅廬。艱難嘆農力，生計未應疎。
白日慘無色，黃沙飛有聲。風驕驅曠野，天闊匝孤城。
土屋幾家閉，柴車何處行。麴燈不可問，蕭瑟恐孤征。

柳花四首

在陳州周家埠口作

何人留恨晚，春天手種長。條作絮顛攀，折曾經怨離。
別拋殘，猶自愛纏綿。因風吹散終，何許隔水相看。只渺然。

多少征夫嘆飄泊不堪臨去點他鞭

馬首輕埃辨未眞晴絲更卷夾堤勻留他眉嫵無多日
送我萍蹤又一春忽忽紛飛還作態濛濛空墮不成塵
天涯莫悵啼鶯晚芳草芊綿久似茵

橫笛離亭起暮愁一時亂落不能休可憐官渡煙俱碎
更共隋堤水漫流樹老無情半搖蕩春歸有迹小淹留
殿前誰憶當年客張緒如今也白頭

幾番眠起眼長青況是今朝撲面迎雪際相思猶旖旎
雨中如夢不分明乍歸燕子看交舞垂暮楊枝欲遣行
惆悵紅橋三百外江南處處糝波平

大梁

中原自古帝王州，荆棘如今滿廢邱。
征馬尙嘶梁苑月，寒鴉不改宋宮秋。
蒼蒼曠野天垂盡，浩浩長河風捲流。
形勝豈關興敗事，醉思公子一登樓。

蘭陽渡河書感二首

蔥嶺西來出大荒，驚湍萬里接天黃。
可憐兗豫流空闊，直湧淮徐入混茫。
禹蹟至今湮碣石，漢廷何日塞宣房。
浮槎不見張審在，誰話河源思總長。

頽沙濁浪夕陽中，少府金錢百萬空。
上策何人思賈讓，三州幾歲遣蕭嵩。
昏沈父老哀廬室，慘澹神靈怒洛洪。

難向龍門尋故道獨乘鶴首感悲風

登東昌光嶽樓

長雲落日盤燕趙曠野驚沙蕩魯齊混混河流衝地闕
蒼蒼岱色匝天低目窮千里鄉心遠樓倚層霄暮景淒
自古嚴城經戰伐析骸殘戟長蒿藜

白溝河

誰割燕雲十六州中原從此缺金甌可憐帝子俘青蓋
更遣狐臣泣白溝涿鹿風沙殘壘暮盧龍關塞夕陽秋
驅車莫苦思形勝人代茫茫總逝流

涿州道上感賦

秦關百二古雄疆，汾冀西來帶礪長。
一夜漁陽金鼓震，六軍蜀道翠華忙。
聲靈異日虛河朔，割據同時啟晉梁。
誰信開元全盛後，匹夫容易變滄桑。

蘆溝橋

颯颯起風埃，桑乾萬馬來。
天垂上谷合，山繞太行開。
形勝雄方域，徵求肆吏才。
飄零棄襦意，徒咽怒流哀。

全椒王春卿

晉槐

孝廉將作令，浙中遽見卽別賦。

此贈行

遊欲徧天下，佳山水交欲盡。
天下奇男子，太行翠色如
畫，煙影落桑乾。千里長安滿目皆，
貴人誰與悲歌。

對此孝廉遠自江東來
翫麟之骨非常才
三年聞聲一相見
卻復別我黃金臺
金臺花盡祇塵土
有酒無地持行杯
送君詩惜君去夕
照皖公雲斷鴉楊子渡
更下錢塘聽莫潮
都是扁舟舊游處
政事文章今在茲
湖山寄語久相思
南行若見青天月
知我燕京憶汝時

李海颿

宗傳

觀察鈞釐圖

我本海鄉人逸興凌滄洲
常思弄海月徑踏鼉鼉游
往者一臥松寥閣東望海門極
寥廓去年兩醉劣前巔
海山憑眺蛟龍惡何來一片金
銀宮羣靈出沒洪濤中高帆十
丈駕天風衣裳盡作朝霞紅
擲竿鼈背鼈可餌李

侯意氣真英雄李侯昔官浙水日轉粟南北馳驟騰飛
雲乍浦瞰甌海光景與此將母同風波過眼又頃刻萬
事前定誰能測扁舟更向洞庭陰何處宦游非水國卽
今澎湖之東蒲昌之西孤軍或恐化猿鶴一戰誰與收
鯨鯢安得李侯往擁千水犀掃除鮫奴颶母無險巖鳴
呼安得掃除鮫奴颶母母險巖還公此畫三嗟咨

送居蒲歸壽甯

秋風起燕薊北鳥方南翔嗟我遠游子浩然思故鄉故
鄉在何許乃在大海旁驚濤急日夜蛟鱷爭吐張逝將
從汝歸欲渡仍無梁牽衣獨嘆息灑涕紛霑裳時臺

霑裳夫何爲相歡非一朝別離在頃刻途路險且遙山
東歲饑饉千里無青苗行者苦劫掠車馬來蕭條君歸
亦何促欲留難強要幸當戒僕御努力隨征輶

征輶臨黃河但見滔滔流中原帝王都化爲隴與邱富
貴若大夢榮名誰久留生平讀書意豈必尸公侯上視
青天高下視滄波適歲月苟無恙屢勉圖千秋

千秋有大業不朽非辭章聖賢始澹泊積久生輝光出
爲天下賴處亦安其樂嗟余固賤士懷此徒慨慷駑馬
望長道欲進力已憊思策君轡毋笑言佯狂

佯狂集尤悔十載猶不悛多君略形迹愛我情每專無

以持贈君長歌當誰筵君如天上雲我如水上船船行
恐風波雲去任自然諒當作霖雨勸哉期茲年

思歸吟

吁嗟乎既不爲洛陽生流涕激切憂朝廷又不爲昌黎
老懷書慷慨干當道高堂有母歸不得終日背人自歎
息幽州九月已早寒貂裘欲敝無顏色惡風吹沙不見
天城郭慘慘若黑煙千騾萬馬酸聲吞我亦躑躅於其
間君不見青海外鐵騎縱橫集旌旆君不見黃河涯金
錢耗棄輕泥沙古來功與名自視運與數窮愁七尺軀
飄零十載誤誰持門戶任弱妻誰授句讀憐驕兒芋魁

方可煨蟹腹亦已肥胡爲爾不田園思忍棄骨肉而留
茲昨夢游戲凌天闔天狗闔闔向我狂雷公鬼母夜叉
神王其目閃閃垂星芒睨我欲進而彷徨仙官引我去
去去騶鸞翔巍巍峨宮府白玉爲堂丹霞滿戶霓裳一奏
瓊華亂舞我醉不知墮塵土但聞木葉紛如雨此時南
望路阻修蒼然秋色橫蘆溝蕭蕭之日欲落黯黯之雲
不收可憐飢鷹老雁前奔投妖狐怪鳥中啁啾吁嗟乎
淒者笛咽者笳悲者鼓角哀者琵琶秋聲進入愁天涯
遂使登高眺遠疲於車一邑一人孤館孤客有恨關山
放眼青無情歲月催頭白富豈必桑八百株貴豈必官

二千石微願蹉跎淚霑臆吁嗟乎高堂有母歸不得

余既作前詩時九月四日也是日鄭雲麓開禧員

外招同吳蘭雪嵩梁舍人郭蘭石尚先編修許萊

山邦光學士曾白亭承基孝廉暨余同年何君式

玉集飲寓齋歸則既夕矣因召盲者奏雜劇爲樂

更賦一首東員外

我來燕市悲歌無屠狗大息騷人醉我百杯酒高秋風
淒日色薄廣院微塵散衰柳當筵主客各豪俊縱談不
覺時已久歸燃兩炬照獨坐急呼奴子進盲叟大絃長
笛錯雜奏激昂鉦鼓壯聲有方今西方太白高羽檄日

不勤我

后已從塞外簡士卒更向

輦下擇戎右羈懷作惡欲南行
縣官徵車不敢走平生
八尺本骭髀兵書百卷每在手
關河形勝畫能詳下馬
露布筆不負胡爲望

關阻請纓孤館閉置同新婦苦思郊原空關處草短兔
肥鷹可取西山秋氣颯爽來一笑仰天問重九世事何
當話是非英雄亦恥老戶牖夜闌城上角幽咽曲罷告
去揮以肘明朝持報鄒當時吾詩聯用覆瓿

南豐譚梅臣

錫洪

同年偕令兄桐生

祖同

孝廉南

歸別後悵然有作

桐生跌宕如髯翁梅臣卓犖如次公一家三世富文學

君兄弟爲子受太守哲嗣而蒼亭侍郎之孫也

不數二陸來江東都門與我忽

相見千鎔照眼光爭雄人間歐治久不遇忍使寶匣韜
長虹自慙識鑑比壯武兩君變化終爲龍桑乾慘澹多
悲風白日欲落天叫鴻關河千里盡秋色赤葉作雨飛
霜楓弟兄此時竟就道重九正在歸途中登高遙想望
鄉急征車不斷塵滿空瀟湘綠與章貢同君山秀出青
芙蓉昨言看山未敢戀省親要挂浮湘篷安知別後定
何處苦恨執手行恩恩湘山亦有迴雁峯寄我尺素

可逢獨憐桑乾不南去
隔絕章貢誰能通
羈懷本自然
寥落況乃離緒交
縈胸詩成仰天一嘆息
古來聚散雲無蹤

長風

長風起漠北
萬里入桑乾
笳鼓秋城暮
關河木葉寒
驚心雙旅鬢
拊髀一儒冠
誰見天山外
冰霜轉戰難

杜氏女

爲蕉林禮部祖姑作

杜氏女七十一
老母家撫弟
姪烏虜鴟鴞毀室聖所悲
骨肉之變誰能知
父死飲恨黃泉陞母也
啜泣謂女何不爲男兒
熒熒弱弟畏人凌欺女也
啜泣謂女何必非

男兒癯癯弱弟與母抱持今年媒氏來阿姊婿已有明
年媒氏來女不願出戶牖今年媒氏來阿弟婦已取明
年媒氏來女不願奉箕箒烏虜蒼茫之海無恬波險巖
之山無平坡山深復豺虎海深復龍鼉慘惻之天人將
奈何嗟爾一女子弟死更奈何嗟爾一女子母死更奈
何婦少而寡姪幼而孤嗟爾不嫁當奈何君不見雛鳳
飛燦燦毛羽肥君不見雛鳳飛雙雙儔匹歸朝棲同心
樹莫長連理枝一花敷六葉葉葉女手親培滋一花敷
六葉葉葉女墓垂葳蕤惡鳥再逐破巢再維烏虜骨肉
之變飲恨者多慘惻之天人將奈何吾爲杜女歌入山

可不畏豺虎入海可不畏鼉鼉入世可不畏輻輳

紀事八首

河西列幕古稱雄一矢相加達混同天使降王親款塞
帝勤諸將遠夷戎投俘鐵勒歸唐壘置吏金蒲拓漠風
可惜翁孫遺策在不曾籌議及平隆

貔貅十萬控弓弦往日頻頒

上賜錢八校威夷還守地七禽戴蜀本如天射生驅去
窮酋馬飲酪呼來少婦絃遂使邊人輕將士悲筵一夕
起祁連

上相揚威遠督征元戎垂老擁邊城已聞突厥傷來濟

欲走匈奴命灌嬰鐵駟重專青海闡銅魚更調黑河兵
繡衣何事封章亟歌舞能忘出塞情

羽檄星馳絕微忙西來烽火照甘涼風驅沙漠摩戈響
帳壓冰天伏弩偃萬里懸軍倚驃騎一時籌餉問宏羊
昨宵又下樓船奏戰士衝寒倍給裝

百年休養自深恩拜表爭求列戍垣乘障居延方禡道
防秋句注漫移屯關山虎旅提應苦節鉞龍庭鎮已尊
近報受降城下戰天兵日夜正追奔

大荒天地雪霜羸萬馬驍騰磧草枯已擁旌麾溫府臥
正催芻粟酒泉輸韜弓月峴營高下洗甲星河事有無

辛苦獨憐諸驛吏馳驅歲晚急軍符

天山已恨極天涯況越天山故壘遐畫角裂雲橫太
窮廬蓋地偏流沙新勞將帥懲番部並起王官走傳
鞭鐙論功原不負翠翎玉管有光華

東南旱潦賑傷災疏勒軍興內帑開歲月無聲消積費
風雲有會屬羣材兵游絕域牛羊徙鬼哭圍城雀鼠哀
徒說雲中需魏尚那知代北怨王恢

對月歌

十月十四
夜走筆賦

對月歌歌如何吳兒振笛愁金波北風今夜生寒多君
胡爲在三湘九疑開三湘漁父盡白髮九疑帝子凋朱

顏胡爲久處君不還人言青天高天高猶可見與君相
思相怨已十年安得青天似君面昨夜夢爲雲君亦雲
一片我爲雲在太行巉巖邊君爲雲雜衡嶽迴雁之疎
煙雁飛尙不到我夢復誰告可憐團團一寸心天長地
闊無處尋哀猿暮叫青楓林楓林葉落楚水深去年得
君書分明斷腸字男兒困苦不得意作書寄人空涕淚
誰知楚水日夜流君心不轉滄波頭我欲南去無扁舟
但鞭我馬我馬悲鳴仰屋瓦瓦上月大如霜雪一聲清
商吹月裂果然瓊樓玉宇高寒中素娥亭亭開桂宮桂
華千年長靈蟲靈蟲食之亦千歲只有吳剛老無計我

將玉斧持贈君不修明月修智慧智慧不可長慧根割
絕悲憂忘他人愛樂君愛悲今月古月同一時古人已
死月不知今人對月還別離別離又似南北極出入高
低總太息九疑連綿路不通山鬼啼秋雨昏黑歌且闌
吳兒起長歎今年顏色好如玉明年恐作斑斑竹公子
不來明月獨北風目斷湘江綠

揚雪椒

慶琛

比部贈李陽冰般若臺篆碑搨本陳

春林

輝文

同年贈蔡忠惠洛陽橋碑真書搨本盧

居蒲

贊虞

同年贈湛文簡星毬巖草書搨本春林

居蒲索詩未及作二君已歸里蔡書爲同年吳子

顧取去偶念之慨然成詠並柬比部

宋唐履刻多誰辨李蔡殘碑半
譌舛白頭講學甘泉翁
落筆龍蛇見總鮮蛟置夜縮蟠
巖神鬼畫呵守絕巘
山風海雨歷滄桑三朝一石各
完善辛勤入水搜壑谷

滙書水
中搜出

慘澹梯崖削苔蘚豈知倦客六千里故鄉墨寶

摩挲展荒齋閉置日光怪良友坐索忍已遣天涯失意
先我歸恨昨無酒與出餞重洋險絕颶颶惡春林曲
海道歸曷
不同車走徐充冰霜旅食獨苦飢歲暮悲看少溫篆

十月二十一日過飲雲麓先生寓廬爲設菊花餅

索詩漫賦

梅仙方來菊仙去欲去未去笑相遇騷人侵曉掃東籬
留客餐英飽風露紛紛梁肉饜朱門豈知清況宜金尊
秋歸肺腑澹有在香滿牙頰輕無痕北人飲食豪爲樂
生割牛羊傾乳酪南人北居愛南菜菘筍過冬味已薄
我家亦在天之南手持此餅饒口貪櫻廚杏粥未足道
荔支酒熟應吾酣

先生有荔支酒詩
蓋紀其家釀也

後思歸吟

日廿二
作

噫嘻盍歸乎來駱駝如山高崔巍每日馱載西山煤西
山之煤何足哀哀爾巖風刺肌骨居人婦子圍爐開孤
客做絮猶徘徊昨夜衾單警羈夢徧瓦霜華知已凍牀

邊燈暗氣慘青曉起耳鼻皆酸痛開門看天天不光但
見一片車塵黃狐裘貂帽誰家郎大鞍重慢馳輝煌不
爲闕下官不爲市中賈何爲落拓棄鄉土旦暮畏寒似
畏虎可憐老母近七十憶我遠游心正苦奉養不及彼
農圃士也若是淚如雨往者父言北方雖少雪隆冬十
月地欲裂流唾成冰指成鐵臨行老母復屢說道兒早
回計宜決吾妻不敢言祇使兒來前送爺今朝去問爺
何時旋噫嘻盍揮我鞭盍跨我韉盍還我田園鴻鵠飢
草木落歲晚衣裳薄身賤顏面惡癸未之夏陳夫子恭
師太息文正竹君編修兄弟死海內知誰能薦爾今年

之秋宋觀察

莊灣先生湘

謂我天上來至此求之古人亦無

幾當時黃

則仲

吳曷足比淹留京雒惜寡友噫嘻吾誠可

以徑歸矣千齡萬代兩知己

醉歌行贈鹿春如

澤長

郎中

二十作令三十爲郎縱橫跌宕之意氣不在金印持煌

煌昔官吾鄉不相遇燕市乍逢忽如故故人姚合最雄

豪

謂石

感君肝膽向君露幽州朔氣從天來寒風割月

生陰埃天上老雁地上瘦馬坐上絲竹城上笳鼓此聲

雜沓而壯哀此時三人痛飲常低徊吾聞泰山秀出俯

齊魯又聞東海魚龍跋浪而嘯舞赤日燒海光彩吐散

作朱霞落眉宇我欲山樓避塵土君生其閒卽地主君
曰不然人間第一病少年豈容辟穀師神仙神蛟不窟
淵神駒不受羈飛騰致霖雨蹠蹠凌雲煙聞君此言涕
泗連此時汨汨獨飲鯨吸川醉矣兩君夾我肩健僕負
置車中眠歸來略醒急索筆敘我感激情纏綿君不見
旱潦方殷烽火未息內帑籌金南國乏食平生各抱一
片心致身可惜無權力何不重劄金叵羅喚取秦青歌
鐵笛裂寒風多月如斗酒如何烹羊燔兔堆嵯峨寶劍
不用千摩挲銘勳鐘鼎須與事萬古吾儕氣不磨

十月廿四日雪雲麓考功次東坡聚星堂禁體韻

見示卽次韻奉東

朔風吹雁似吹葉寒聲叫天夜落雪雪飛到處雁不飛
關塞蒼然氣慘絕長安萬戶屋瓦凍驟馬出門蹄欲折
不知到地皓已滿但見漫空起旋滅橫斜併舞自紛綸
高下作態誰轉掣金闈簾冷點翠袖曉帳夢醒紅網纈
應從遠道怨羈人豈信此時淚如眉離合悲歡總飄瞥
歐蘇故事聊同說酒酣試弄落梅花冰裂李郎橫笛鐵
寄吳子序嘉賓明經山東兼東令弟子願嘉言同
年時子願與余在都下

十年識字多憂患萬古驚心速歲時似爾雁鴻分覓稻

憐余鳥鵲又移枝幽燕地曠生寒苦汶泗河荒轉漕遲
冰雪天西猶戰伐書生何敢怨孤羈

十一月十五夜對月

不信今年月無家此屢看光輝到遲暮今古幾團圓

隱虹誰辨珠沈海自寒空憐小兒女正解望長安

陸心

蘭副憲來飲陳石士學士宅與余初不相識也周余姓
名遂過有獎許云曾見余爲李海觀察評閱古文心
議其議論不忘嘗往告姚秋農總憲王伯申侍郎謂其
取士有遠珠以加廷試二公與閱卷也余雖不足以
而其意勤懇有加談至二鼓始別感知己之難逢覽
月而獨嘆旅懷如思根解紛紜得四十字不自知其悲
也

黃樹齋

爵滋

太史思樹芳蘭圖

名園桃李爭春速國香冷落多空谷美人不來采遺誰
天寒歲暮芳馨獨披君此圖足可思一拈花笑憐幽姿
意中九畹好位置忍使風雨搖離披君言昨作荆楚游
湘根澧葉曾無留我家亦近建水頭素心昔貴今賤售
萬物榮枯本天意棘徧難鋤種何地縱戒宮門或懼誅
宛移入畫堪流涕此圖妙腕出女士墨痕到處忘真似
惜君孤坐擁蒲團手無甘露灑芳藥無端感我莫嘆嗟
飄零紉佩紛梗麻蓬萊水淺何人問凋盡千年瓊樹華

石甫明府招飲既至旋歸口占代柬

是身如浮雲來去本無定正愁連夕醉且任一入靜朔

風盪虛帷碧燈抱幽影花夢不禁寒伴梅鶴孤警

鄒少谷山人自書詩冊爲陳望坡

若霖

尙書作

海東紫氣如霞起廷杖不死乃凍死平生大節天地閒
餘作雲煙今滿紙當時十子倡閩風山人一出才最雄
辛勤學杜得杜骨何李以外真凡庸撼樹蚍蜉恣妄議
正德天寶嗟何異時無安史總亂離後有漁洋識此淚
俟河之清壽幾何金鰲壓翠迴悲歌詩魂應戀九曲雪
更五百載亭孤嵯山人中歲又樂道再謁文成苦不早
抗疏徒傳讜直名千秋寂寞茲懷抱殘縑粉世所珍

山人能畫

摩挲蠹繭遺篇新

內詩數首今集不載

翻愁出腕龍蛇勢不

見行吟草澤臣三年前過梅亭路父老尙說山人墓謝

公騷魄近相鄰苦月淒風雨來去

鄉賢謝退谷教諭余有知亡之感甲申春

嘗一拜其墓遂並謁山人墓而歸皆在福州西關外梅亭

鐫詩幸付十代孫尙書得

此壁猶完

山人集閩中向難得近其十世孫炳文司馬重梓流播始廣此冊先存尙書族人家近從

老嫗購得之猶完好

感事憂時筆奇縱前朝墨寶誰同論

武威潘吏部

提奎

石生先生與余初未一面於鄭

雲麓員外處見余詩乃作閩海奇人歌枉贈感事

言情讀之欲涕久未作答於心闕然十二月二十

四日早起對雪忽觸鄙懷遂成長句三十二韻奉

東惟先生知余不以爲妄也

莽莽乾坤意蕭蕭雨雪辰大河餘涕淚絕塞幾烽塵感

激身方賤飄零氣益振和歌得潘岳寄食傍陳遵

時居陳學

士用

光宅歲月今遲暮江湖昔苦辛興亡弔前代治亂閱斯

民道散無周孔風衰有漢秦迹惟功利逐運與戰爭因
殘壘哀形勝荒碑泣鬼神一舟吳更楚十載越還閩復
此淹羈旅依然廢笑嘖羣公操

國是諸將戾

皇仁幕府淡如夏邊庭慘失春驕鷹徒任攫困獸未能
馴跋扈成窮寇驅除仗老臣似聞陳白簡正欲勦黃巾
丙帑籌當繼中原力或貧地荒休竟鑿世遠轉須親況

以全淮重而爲巨浸淪寅恭師古訓冒濫過私津
瓠子宮雖舊桃花漲每新久驚化魚鼈毋使竭圭
縉水勢原趨海天心總愛人共宜憂

社稷莫但戀簪紳放眼嗟千載悲吟去四鄰南
雲紆別夢北酒渴愁脣詩豈窮常好才應遇或伸
蹉跎時屢待俯仰病同呻勢儻危投鼠言非故逆
鱗自緣忠讜切誰侈晏安頰壯志髀堪拊流年髮
漫循洛陽吳太守終識賈生眞

萊山學士湘月泛槎圖

峯七十二重煙浮灣三十六迴波流夜涼新月出照水

鮫奴奉鏡靈妃游空明河漢宛在地落雪數點飛風鷗
洞庭巫峽氣莽蒼千里併作清湘秋豈無華燭擁使節
俯仰發興惟孤舟玉堂歸來憶昨夢魚龍百變一紙收
人生過眼境總幻幽意且喜江山留槎頭頑石載可已
陋矣博望徒封侯

書後湘吳伶傳後

二百年來明月秋鳳城孰與按涼州王郎慘死吳郎夭
但憶清歌總白頭

桑乾河水卽天涯千里難歸一素車誰遣龜年傳法曲
江南子弟半無家

青天雁語北風涼
金梳銀釵擁夜長
併出英雄兒女淚
一聲檀板有滄桑

豪竹哀絲感謝安
中年身世醉難寬
相逢不必王曇首
容易秋墳聽笛殘

沈璧河中濁浪狂
傳烽塞外捷書忙
江湖放逐劉司馬
獨向風塵哭順郎

采筆無緣侍玉清
旗亭畫壁狎娉婷
樽前唱斷須臾事
傳出才人足涕零

三疊霓裳譜細箋
聽風聽水意纏綿
人間天上今多憾
玉貌同時兩少年

舊人尙與對何哉只覺當筵酒不酣試撒寇家花蠟燭
淚猶如此客誰堪

思伯子堂詩集卷八

建甯張際亮亨甫

正月六日陸心蘭

言

憲副招飲寓廬因話吾閩泉

漳民風吏治感賦二首

公言械鬪之習由官民相激而成兵吏索詐其財物

遷徙其器具擄掠其雞犬焚燬其廬室民之不服至於戕官有以也蓋公嘗守漳州事皆所目擊言之最深切 丁亥 著明矣

粵人好攻擊共述漢時言不有循良牧能無里巷冤邊城餘瘴癘絕海總鯨鼉感激天南望拚傾此夕尊

慘澹紅夷島徵兵又去年魚龍迎節鉞父老怪烽煙功

大誰平海民愚自戴

天所期更開府荒微得春先

四月三日丁若士

履恆

大令招同汪孟慈

喜孫

農

部徐星伯

松

陳範川

鴻輝

兩舍人徐廉峯

寶善

周

雪橋

仲輝

兩太史許玉年

乃穀

孝廉集飲龍爪槐

院若士屬爲詩漫作

出游何必皆酒人飲酒何必皆芳春四月三日作展已
城西喜就精藍新是時西山正積雪皎如玉體騎橫陳
菰蘆楊柳稍已綠花笑欲破寒罨覺翁醉魂竟不返
小閣幾度留車茵

兼葭閣鮑覺生宮
詹所常游息處也

今朝此坐我輩獨

泡影幻境參諸因當杯丁令更語我聚散飄忽風中塵

君年最少負奇特得句可以酬茲辰豈知廢井久不食
瓶縷汲注無餘淪夕陽在地馬繞道歸過古寺沙埋輪
歸同若士孟慈
雪橋遊龍泉寺豐臺芍藥價早辦屈指且數開樽頻

趙北口柳

四月九日作詩往古
易京省伯兄道過此

籠煙蘸水綠絲絲曾是漁洋感慨時蠹蘭今留數行墨
猶勞學士乞題詩
漁洋先生趙北口見秋柳絕句草稿
姚姬傳請先生墨迹爲八賢贖
墨去年屬爲詩至今未作也

揚州雜詩

閣部倉皇鎮上游建牙開府領通侯銷沈碧血梅花嶺
落日邢溝水自流

歐蘇已往風流歇不見漁洋更百年廿四橋頭明月盡
吹簫聲裏雨如煙

聲華前後數盧

雜音賓

畫舫清游幾廢興惆悵紅橋一

枝柳不堪顛顛照船燈

孟慈家世本通儒別我京華此月初一憶當年廣陵對
人間有子讀遺書

汪孟慈員外尊甫容甫先生遺集有廣陵對文甚佳

楊家兄弟按歌清第一三郎最擅名自怨洞簫流落後
至今江月不曾明

古意

清河至丹徒舟中作

一帶長堤水如何不繫舟載人渡江去風浪那禁愁

儂作江上風渠作江上雨風雨不相離孤舟纜南浦
儂作春風雁翩翩北去歸渠作秋風雁遲遲南向飛
大魚在江心小魚在江口風雨滿江頭尺書竟無有
昨日清江浦今朝邵伯湖淮流不解恨流盡客心孤
渠家在揚州儂到揚州郭二分明月光爲渠愁不落
瓜州對揚子金焦落江水兩點青黛光眉嫵略相似

再過京口

十年更飲中冷水

成寅冬
過此

一帆遙思枯木堂江海波濤

空日夜楚吳天地自青蒼城臨鐵甕餘荒壘山望金陵
向夕陽愁絕不須頻擊楫歲華難問況興亡

常州雜詩

江上橫舟又夕波，故人回首各關河。分明顧曲金臺月，

一夜蛾眉瘦損多。

丁若土明
府在都下

曠代高才黃仲則，清名當日在人閒。笥河不見秋帆死，
顛顛江湖我獨還。

雪窖歸來兩鬢蒼，稚存意氣晚佯狂。臯文早死文章盡，
不獨飄零易禮亡。

祁孫才調昔翩翩，心折陳郎更少年。桂海瘴嵐山似墨，

皖江風日水連天。

陸祁孫明府宦安慶
陳少軾上舍客廣西

畫舸銀燈映碧流，夜涼天遠似新秋。阿誰清怨平分得，

橫笛吹風獨倚樓

蘇州雜詩

又到瀟瀟暮雨時十年回首鬢將絲聽他一夕梅花落

愁絕江風總未知

五月二十七日抵蘇州時連日陰雨憶戊寅至茲十年矣

苦憶閒居齊女門桃花庵畔弔詩魂笛聲散後秋風急

吹盡花痕更水痕

昔居齊門嘗與客譙游唐六如墓

翡翠鯨魚力不同風華況復笑巢松詩心此日何人會

獨聽寒山夜半鐘

宋于處宰廉翔鳳文章老輩嘗於吳蘭雪舍人寓廬索閱余詩謂此乃真

才真情頃見吾鄉

吳巢松侍詩蘭鯨錄不及遠甚今侍講亡矣而于處才未一晤也

好直如今見更難鍊為道草惜凋殘蘇臺楊柳空春色

愁共江花著眼看

康熙閒汪堯峯先生在都下後進賢詩文者每直攻其短故時謂漁洋好

譽鈍翁好毀先生有蘇臺楊柳枝詞余甲戌年嘗和作其稿爲人佚去矣

虎邱山下水如煙
虎邱寺前風滿船
船船絲管醉明月
月落空江人未眠

後雜詩

橫橋三百自何年
艇子都隨流水邊
夜半銀箏訴明月
始知清怨有嬋娟

簾子前邊碧港通
縱無人跡有春風
太湖千尺桃花水
長在橫波一轉中

晴波都作麴塵春
十二紅闌垂手頻
彈出四絃新水調

畫船人望畫樓人

船窗八面碧玻璃
千椀銀鐙四角垂
照水照山還照
可憐都照上雙眉

閶門原近虎邱山
水過山塘亦懶還
兒女看山似流水
笙歌只在此山閒

杭州雜詩

明月纔圓夜未昏
左家橋畔一開尊
十年未買杭州屋
懊惱紅襟墮酒痕

戊寅游此飲卜
居至今未果

武林門外雨瀟瀟
穩坐籃輿過六橋
紅是荷花綠楊柳
青山無數壓風湖

少年落拓負文章兩度師門出此鄉誰見今朝詩弟子

青衫白筋對湖光

汪宮詹師沈大理師皆越人

雷峯塔對陸家墳曾記披圖是夜分悟到妙文更何處

四山水影半湖雲

陸心蘭憲副先塋在西湖嘗以圖示余其母太夫人今年八十屬爲壽言

至今未作

子遜才華似牧之

許廷

玉年

孝廉

今日復清奇野人憶

得寒支語水枕風船不問誰

建昌道中

豆架瓜棚處處同山村不斷水泉通牧童袒著斜陽去

拍手騎牛叫晚風

光澤何部曹煥奎

長聚

讀書烏君山閨五月十六

夜忽夢余來訪余與君初未相識也及茲既見懽
若平生因題其紀夢詩後

玉龍宮裏尋君夜我正錢塘醉臥遲他口天涯憶今日
可憐只似夢中時

繡草廬八詠

爲雨農
舍人作

上有百尺樓下有數間屋百年風雨多千秋歲月獨

抑快軒

天風吹白雲遠在烏君際風雲倏開合窈然見山翠

青山白雲樓

思伯子堂詩集

卷八

六

風水忽相遭見水不見影風定池水平蕭蕭映月冷

梧影池

昔來見修竹今來餘高柳明月招不來看雲且撒手

隱月逕

鳳凰何處歸琅玕日以長幽碣隱夕陽相望一惆悵

小琅玕碣

女蘿雜薜荔繞牆垂如掌澗邊風雨多日暮斷來往

薜荔澗

汝從何處來復從何處去問水水不言緒風糝飛絮

問亭

共憶仙源在，花開更幾時。故應春澗曲，留得兩三枝。

桃磯

光澤雜詩

十四年來好弟兄，今朝爲別最關情。秋風吹得盈頭雪，

病後他鄉送我行。

自甲戌識家嚴山先生今十四年矣

繡草廬連鑄冶廬

寅齋孝廉別業

門生都解愛詩書，入門獨許

狂夫笑拍手，烏君畫不如。

將鬚眼見兩曾孫，豪氣飛騰老尚存。可惜中年官二在，

人間無處覓空門。

高象紳先生上官懋誠皆素豪宕，今先生甚健而懋誠病矣，且以家難將

爲僧可悼也

少年今又見何高

煥奎部曹如登秀才

能誦韓文詠楚騷拚卻一

尊沈醉別幾年花下攬征袍

門巷依然夕照明秋山滿目故人情豪狂醉態年年在

怕向街西中酒行

何五孝廉厚莽招飲不赴時金門沒有年矣

北行就道益謙在仲復初暨未涯率諸子道左相

送口號爲別

八月十日

足跡半天下安知行路艱風塵河朔氣冰雪剗遼山羈
夢衝寒苦年華逐鬢斑蕭蕭看征馬不必問刀環

漳村

嶺上一澗流送我二十里澗大匯爲溪人家溪岸倚僕

夫方告倦且復隨所止山嶙日如霞屋角月如水日落
月更明影入空牀裏中夜抱月宿蕭蕭風籟起

新城

我來茲九度太息夫何云山城氣象佳樓閣皎若雲登
高一稅駕木葉颯已紛秋風正曠野宿鳥呼其羣行子
未卽歸含悲對斜曛徒傷少歲邁敢厭征途勤

熊家墟

出郭十五里復見農家煙牛羊夕入屋喘息導我先兒
童訝客來集視嬉燈前稍吐簷口月半仄侵人肩光驚
宿鳥起黑映垂蛛懸沙沙絡緯中夜氣高蒼然對酒一

坐嘆余行信有年宿此亦兩度愧爾躬耕賢

止馬

昨夜看山月今夜聽山雨空山風蕭蕭草木亦太古谿
谷正響答雲霧互吞吐暗悲蟋蟀吟快想魚龍舞不知
孤村外何處有乾土張燈望茅簷天低黑如釜

光澤

兩行數十里近郭始晴霽山城何所有一半烏君翠阿
兄嚴方晝臥呼起顏色異一月去復來相見了不意夕
談剪燈燭曉坐擁花氣故人各置酒兩日從爛醉雨農舍人
煥奎團圍海上月正報中秋至素娥出瓊樓光彩益蘇

媚銜杯到街西惜少霓裳戲

中秋夜如登秀才招飲
園余戲謂主客風月並佳

恨無琵琶絃索哀箏長笛
二八女郎左右行酒耳

古來英雄人聲色所不棄況

我比安石哀樂感身世祇思去年夜丁楊已兩地

去歲中秋

與樸夫飲於雪板刑部寓廬
今丁在建州楊仍官都下也

天風吹衣涼空闊青冥勢

歷歷白榆光帶根無處寄對此悟萬緣懼會總難計揮

觴且復酌更闌宜歸睡詰朝駕籃輿送我認雙髻

烏君山大

小玟峯吾邑李古山
先生常目爲雙髻峯

渡裏

曉出光澤城向夕至渡裏竹樹何條然日落炊煙起蒼

茫清溪頭飛鳥去不已鳥外夕嵐低濛濛墮流水主人

意真樸卸裝境可喜一酌罷村醪夜涼睡初美

雲礫嶺

此嶺界江閩其高出雲外我來踏雲根雲動盪衣帶連
山若波濤起伏魚龍會長風扇飄蕭天日摩青靄孤亭
上礫空幽谷下成籟十年一再行何必游嵩泰置身萬
仞閒心知宇宙大

石佛寨

過嶺纔及半斜日先無光萬山高障天飛鳥不外翔茅
屋四五家未晚煙蒼蒼彷徨扣門宿置榻雞豚旁豚喘
覺夜靜雞鳴知風涼殘月正入屋兒女喧在牀豈無骨

肉恩此情中自傷如何促明發更歷崎嶇長

太平橋

斜日未墮空輿夫欲就宿少婦倚市門脂粉半眉目迳
客入中堂問客何邦族且呼村醪酌痛飲夕秉燭昏昏
煙翳簷淒淒風響竹露重夜氣低天高山月獨階下候
蟲秋坐惜流光速何當厭道途故園鼯睡熟

沙谿

我行信州道落日西風生連山勢合杳但見長煙明沙
谿臨廣術桑柘夾路橫居人旣輻湊向夕聞喧爭孤燈
照枕簟細雨紛簷楹方因今夜冷結想明朝晴蕭蕭聽

木葉下有幽蛩鳴秋聲竟滿地白露皓已盈

板橋

昔我宿板橋維歲己卯冬塵沙忽晝晦草木驅天風如
何十年交復此行忽忽人生如泛梗與水流西東水去
不復歸何處覓故蹤偶茲秋日朗愛彼田間農豈無飢
寒迫固免常飄蓬

草坪

百年常苦短一夜常苦長問我竟如何祇覺心彷徨明
明天上月皎皎生晶光光輝在我側攬涕紛霑裳秋風
正四起北雁知南翔驢馬望道嘶行子去故鄉他鄉豈

不樂歡樂意轉傷千秋共此夕此夕誰能忘

常山

浹旬厭陸行從此喜水宿邑小人煙稀山盤曲流湫我

去曾幾時六月再來除煩燠秋風一何涼露零桂初馥

夕照下荒城寒光動茅屋心隨雲雁遠興與沙鷗熟百

年會易盡萬事常不足行矣信扁舟滄波浩滿目

臨安懷古

萬馬奔江斷怒潮臯亭笳鼓北來驕西臺朱鳥歌猶怨

南渡黃魚事已遙空向汴梁分半壁可憐艮嶽共前朝

殘山賸水英雄盡落日騎驢更六橋

思伯子堂詩集

卷八

十一

徒望青衣北狩還，岳墳石馬夕陽閒。
國空強寇金縉索，地費先人鐵券頒。
蟋蟀秋風嬉葛嶺，魚龍夜雨泣匡山。
六陵蕭瑟冬青大，汝社遺民鬢久斑。

蘇州作

闔閭城靄晚，青蒼盡點銀。
燈換夕陽一笛涼，風干水閣萬花明。
月幾煙檣名廊響，籐曾西子暮雨聞。
歌又二孃誰見洞庭秋色裏，蕭蕭落葉慘波光。

常州舟中

江南萬葉落，一夜起秋聲。
挂席向天末，西風千里情。
煙波開夕照，葭葦台孤城。
目極飛蓬外，寥寥聞雁征。

去路

去路春申浦帆將鳥共遲
秋風寒葦候煙火夕陽時
物態靜方見鄉心孤自知
生涯愧漁父家具一舟隨

鎮江夜泊

江水樞天流風潮日夜秋
亂帆來建業明月在揚州
霜色驚新鬢波光戀舊游
紛紛聽楓葉一夕滿孤舟

京口渡江走筆作歌

壯哉浪濤如山崑崙勢大江
滾滾從西來千年積水送
人代六朝戰壘荒蒿萊金陵
帝都盤龍虎京口由來扼
門戶如何鐵索竟爲沈後先
青蓋俱俘虜蕭郎北顧餘

高樓朱闌下瞰魚龍愁英雄往矣形勝在青天不盡滄
波秋中流孤島見浮玉韓王曾此持兀朮但憶東坡嘯
詠年安危一代嗟何速江山晝夜悲風多煙檣萬葉飛
峨峨蕭蕭沙嶼散雁鶩蕩蕩雲日摩蛟鼉蒼鷗影落海
門大江海勢出乾坤外斷霞倒捲一千尺照耀東南作
紅靄東坡昔游愛松寥采薪汲水僧亦憇空思絕頂攬
寒月夜看溼翠浮江潮輕舸徑渡維揚去興亡過眼知
何處回首瓜州對蒜山蘆花楓樹紛如絮

是夜泊揚州更寫一首

飛帆一片來瓜州懸空日氣如紅毳日斜未落月已上

娟娟細作蛾眉愁，邦溝自昔最綺麗。雞臺瑩苑不可求，
烏鴉盤風集老樹。驢馬繞道嘶涼秋，天低地闊暝色大。
入夜漠漠垂孤舟，江南諸山與爾別。招手不轉雲端頭，
尙憐金焦兩翠黛。那得返駕鼇鼉游，朱顏哀怨我所惜。
簫聲吹徹臨江樓，安知獨客正不寐。船底起伏聽潛虬，
千年春夢付逝水。茫然無迹誰能收，新詩綺語亦淨盡。
起看白露橫中流。

高郵舟中漫寫三首

青天四合垂寒光，一鳥影落淮南長。千檣萬舸互出沒，
黃濤白浪來低昂。風波以外更無地，但見蘆花滿雲際。

蒼煙併出水霧高落日蕭寥塞垣氣

清晨風利不得泊日暮西風竟大作從知順逆各有時
未可怨尤習輕薄黃蘆蓋屋四五家百千萬箇煙烏鴉
蕭蕭瑟瑟孤舟火照見天低夜走沙

高郵此去僅五里榜人繫纜傍洲沚一舟正在雲水中
夜見雲頭不見水星月澹白似積灰光彩沈沈射魚子
撲艙露重嗅菊香知道明朝重九矣

九日淮安舟中

悲哉秋風蕭颯吹煙埃大鷹老雁如揚灰蔚藍杳冥天
匝地天盡浩浩淮黃來異鄉此日逢重九何處登高一

昂首白花繞岸徧葭蘆黃葉飛空散揚柳苦思門巷藏
山楓橄欖橘柚紛青紅雞肥酒香柿栗熟佳節雜坐歡
兒童十年飄泊慣道路憶家隱恨從誰訴前年薄醉閩
海涼去年長嘯燕臺暮那意今年江北行瘦蛟噴浪魚
相迎亂雲下壓貫蜺脚峭帆上捲奔濤聲崩波萬古豈
有極極浦人家數鴉黑但見秋光黯黯垂不知水氣昏
昏逼沙平草短日不高驟馬蹴踏霜蹄豪一亭一堠盡
慘澹況望千里空蕭騷坐驚歲月迫疇曩遲莫乾坤欲
何往飢驅懶就太守宏數奇已過將軍廣安得兄弟攜
茱萸故園痛飲傾百壺山陽北去彭城近戲馬臺荒無

酒徒

舟中卽事

日華流廣川風光轉高樹
天邊數舟行帆影自相赴
登艫眺清曠目盡惟水霧
何處近故鄉一鳥東南度

初十夜清河城外對月

秋月清如此如何別故廬
河淮漲日夜霜露動空虛
地冷偏飛雁人貧只賣魚
終宵怨搖落思爾達鄉書

自清江浦渡河書感

驚風吹白雁落日滿黃河
萬古長淮水滔滔起夕波
徒嗟宋年遠黃河入淮始宋不見禹功多
誰導崑崙勢還循碣石

過

使者常開府何人獨懋勳隄防關轉運籌策費紛紜
浪高吞屋頽沙亂汨雲百年遺父老幾見蕩廬墳

往日文襄烈勤勞殫十年羣公紛謗議

聖主獨矜全風雨存祠廟蛟龍畏簡編

浙文襄治河方略實于秋河務

指南荒隄行馬處衰柳幾蒼然

近者褒嘉禮謂黎襄勤何殊

聖祖朝波濤民有淚蘊爾毋驕帑發司空亟官同權

使饒風帆看轉漕海水日迢迢

時復有海運之議

余五月出都時與徐廉峯黃樹齋兩太史有重來

結詩社之約今在道過廉峯家人言渠丁內艱南
歸矣悵然有作並寄樹齋

蕭蕭匹馬去幽州夏別相逢約早秋遠道竟過重九日
故人已到十三樓廉峯舊家揚州寒雲薊北天仍暮殘月江南
水自流傳語關河張奐在悲歌塵土滿征裘

二十日冒雪至東阿中夜命酒慨然作歌

今年四月長安城冰雪晝積西山明今秋九月東阿道
魚山暮雪壓白草怪哉兩度雪不時我昨已怨今更悲
急裝縛袴衣短後做裘不與行篋隨惡風北來捲沙吼
天光匝野如黃酒嵯峨山闊雲亂出噍噍石晚車孤走

但聞老樹圍烏鴉鴉聲羣噪雪轉加高寒直落白一片
影未到地先斜斜紛紛忽忽飄飄起蒼蒼皎皎漠漠止
蕭蕭屑屑聲折竹黯黯沈沈光映水淒淒冉冉雙騾行
尻高尾委蹄無聲背崖面徑偶有屋昂首一蹴奔煙鳴
是時忍飢兼忍凍兩手交摩指酸痛鼻涕縱橫藤曲盤
車中蒙被似入甕僕夫笑我何爲來我來有恨天應哀
唇焦口禁不得語竟須痛飲毋遲回君不聞夜深隔院
琵琶響羊羔金帳誰歡賞琵琶未歇雪未停荒村凍鬼
愁來往朱顏翠袖何以歸月出照雁啞啞飛擲杯四望
杳已滅上下皓素生寒威古來行路多辛苦況復無衣

思作于雪詩集卷之二
棄鄉土千里驚心途盡冰一宵僵臥淚垂雨

項王墓

烏虜氣蓋世力拔山江東子弟尙可集王乃不肯圖生
還王存一日沛公懼王死千秋父老怒美人駿馬雜楚
歌何意英雄竟失路漢存秦破皆由王功臣坐付蕭韓
張張韓國土王不用一戰再戰王其亡烏虜得失固在
此鴻門兒戲耳關中何足恃義帝宋義更庸鄙亞父老
矣無前籌玉斗雖碎陳平留平也昔亦事王者奇計不
使爲王謀天下事豈一人力至今遺冢堪嘆息壞雲作
雪壓天黑虞兮魂歸泣荊棘西京陵寢安在哉東阿片

石餘崔魏古來成敗誰徧哀哀此無知寂寞荒寒地葬
汝有恨暗啞叱咤才

荏平偶作

不復涼蟬葉底聲厭聞促織枕邊鳴故鄉病後他鄉客

今日秋風兩弟兄

五月送家兄
病歸里宿此

曉發雄縣慨然感懷

天闊北風多冰霜擁白驪亂山斷燕薊積水凍滹沱有
夢頻驚枕無才欲荷戈征西尙兵甲定遠少蹉跎

固安

曠望燕南道翻同漠北嗟青天蓋白草赤日墮黃沙野

跡羣留馬風團遠聚鴉蕭條莫愁思明發近

京華

十月六日樹齋太史招同黃仙嶠

十瀛

太史龔本

民潤森

大令陳子鶴

字恩

吏部吳子顧工部三同

年集飲寓廬有作

萬里關河匹馬回故人相見喜銜杯誰知歲月經憂患

自信乾坤任去來郭外風寒猶憶柳

五月山都樹齋送至右安門外時楊

生亦在攀條折枝泣然爲別

笛前花盡欲催梅冰霜遲莫身顛顛詩

眼高歌幾異才

蘆溝橋

十一日赴何禮門明府之招往博野

入都復出都今夏已三度昨來十日耳此去更何故
清風氣寒迴合天光暮桑乾積層冰落日照皓素一馬
仰關嘶一騾俯地顧蕭蕭沙石闊我車獨中路轍深行
轉遲潑凍望屢怖空懷棄襦感安用題柱慕雪霜滿燕
寒歲晚君不悟

良鄉

太行終古秀合沓浮雲端朔風積凜冽日夜山光寒蒼
然滿前北萬馬相迴盤黑埃斷遼海白氣流桑乾蕭寥
高城暮眺覽列嶂寬二南思周邑三輔重漢官千年帝
王帶帶礪何桓桓驅車久延佇慨想英雄難月明照曠

野天迴無飛翰濁醪夕獨進未厭疲征鞍

涿州

范陽天下險形勝何壯哉天西秦晉合地北幽并開東
南控齊趙晝夜昏黃埃千年幾戰伐四望餘蒿萊因悲
樓桑村世遠無雄才偏安未足道得人固可哀伏龍既
傑特關張皆奇瑰英英桓侯祠故里猶追陪功雖讓世
祖臣欲超雲臺至今南陽城獨此同崔魏驚風驅落日
萬葉如飛灰嵯峨太行翠照我孤銜杯高歌忘旅倦弔
古空遲徊白溝望白帝毅魄其歸來

安肅

穹廬蓋曠野駱駝如煙山紛紛游牧子醉臥風沙閒征
車向落日馬首天蒼斑白羊千百口蹴踏黃埃還孤城
似絕塞古堠餘荒菅蕭然道路感瘁矣煙霞顏生人各
有役誰可里巷閒獨恨歲已晚失意奔馳艱悲來望宇
宙我力亦已孱幸將冰雪霽一破飢寒頑

曹河驛

道逢劉伶墓知有醉鬼魂不理亦自好多事荷鍤煩驅
車舍之去遠看日已昏蒼蒼十里外亂踏層冰奔朔風
上撼樹霜月下照村征人與驛馬出入共一門馬飢齧
棧豆人凍持酒尊二者竟孰樂但飲笑莫言須臾畢醅

酌繞屋聞呼喧壘土置枕席穴地成鑑盆寒威既漸殺
解衣孤衾溫有生寄宇宙如彼雲無根食息盡妄幻生
死見可渾伯倫尙未達吾意誰同論

保定

我從安肅道已見城嵯峨峨峨節度府控制名疆多天
盤鉅鹿塞水凍滹沱波北望居庸高羣峭氣盪摩青蒼
截朔漠千里一鳥過關山積雪意井里餘霜柯吁嗟胡
爲來眺覽空悲歌身悲遇益困年往志不磨方期此乘
傳醉尉毋相訶

二十九日李蘭屏刑部

彥彬

招飲寓廬見宋芷灣

湘觀察畫東坡笠屐圖慨然口號

宋公才筆似坡仙，偶貌坡仙亦宛然。富貴從來總春夢。

秋風難返武昌船。

公去秋觀後出都卒於武昌官署

出都

都門七出入，一歲嗟何勞。仲冬月既望，曠野風蕭騷。征車衝凍去，朔氣橫空高。蒼蒼沙磧外，有鳥孤翔翱。英雄困失路，萬事輕鴻毛。休爲五噫嘆，躍馬猶堪豪。

固安

二更重攬轡，竟去渡易水。蕭蕭多悲風，至今哀壯士。壯士曷足哀，我行已至此。飲馬長河冰，看天朔雲紫。平沙

思伯子堂詩集卷八

二十

何莽蒼煙埃紛四起落日照雄州東南黯千里生平一
寸心慷慨原自喜緬懷漸離筑安用荆卿七關山久飄
泊習勞固筋髓飢來膾牛羊飽食幸毋死

自清河至高郵舟中作

今年五月吾來時楊柳搖綠凝修眉季秋再過已減色
祇共塵鬢餘絲絲及蒹葭葉竟槁落瘦影骨立何支離
是時季冬之一日北風作雪天低垂孤舟千里下吳越
快颿如鶻東南馳黑雲壓水水氣白萬鴉扇浪紛追飛
高驟大馬盡昂首迴立沙際迎風嘶風聲似虎晚益大
波長野曠心孤羈當年張緒更誰識顛顛過汝空毛皮

關河奔走歲三度可憐有恨終無辭嗟哉宣武固英物
漢南流涕將奚爲冰霜如此我落拓坐怨去日無留暉
終朝擊汰二百里且喜造物哀歸遲悲歌忽忽更遠望
河淮浩蕩愁蛟螭

是夜大雪次日至瓜步漫寫一首

清河一日來高郵朔風吼地聲如牛風威逼夜雪片大
滿天寒氣吞孤舟荒荒斷堤激水脚漠漠平野霾雲頭
吁嗟雲水亦無色併出皓素橫滄洲舟人貪風復畏晚
高桅懸火疑螢流光照岸岸照雪雪中茅屋人語幽
蒼茫慘澹路欲絕忽聽柔櫓擘啞投來舟旣泊我亦泊

推篷急點侵衣裘終宵夢冷思見日果然日出醒潛虬
山川清空復曠遠百里上下晴光浮烏鴉低飛向日去
但見影盡天悠悠江都城外臨江樓玉人晝起披簾鉤
朱顏翠鬢易蕭瑟未知誰識長眉愁天涯遲暮共竊嘆
有情何處無煩憂風聲不止雪更作羲和返轡滄海游
枯蘆衰柳壓浦漵小扁大舸橫淹留獨搖雙槳又衝凍
此行遄速將安求行年三十志不售挾策那可干王侯
栖皇塗路自天意要使身試艱難周江淮之水萬古在
我生孰謂同一漚關城嗚咽動暮角醉揮杯酒眠瓜州

金山

歲云莫矣尙作客我行如此愁江山江山靈秀自日夜
波來雲往知誰閒再尋中冷閣十載老衲定笑吾儕頑
天寒萬里入悵望身世迺在積水間嵯岬冰雪木石壓
慘澹風日霍亂盤鐘聲清曉墮泐泐塔上棲鴿驚飛環
安能招手問黃鶴武昌人去不再還宋芷濤觀察題壁
句云江風貼水皺
微寒江露粘天溼未乾一槐泉甘招我到六朝山
在幾人看盡甲申春作丙戌臘月竟卒武昌官署人生
不歸豈得已此意良足東坡歎

焦山

大江滔滔注滄海海門對立餘此山或言羅星拱天闕
至今上有荒庵閒石華結水積幽異千年待鶴梅蒼頑

風潮冰雪寒籟答樓閣晝夜清虛閒三神山在儻可問
但見日暝頽雲盤別歸十載夢明月一痕到眼新銅環
舊游再至轉留戀坐忘作客如來還誅茅撫竹老何地
扁舟返載能毋歎

西湖

臘月七日抵杭州九日游
天竺靈隱淨慈遇雨而返

青天入雲地入水我行俄入西湖裏西湖愁汝再識面
醉別六橋去千里卻看叢竹尙霜態因撫老樹得禪理
山光總與奇石參泉聲正對孤亭倚谿迴澗落宛叫嘯
谷暗厓深自邇迤幽禽覓食來去飛密雨粘空猶未已
僧房留坐餘一嘆微物似非吾豈是平生歲月厭局促

到處煙霞雜悲喜欲就諸佛証斯意惜訪濟公祇遺址
北風條條晝釀雪梅花凍墮喚不起今宵昏黃那得月
夢魂莫趁舟如蠃孤山處士旣寂寞送我流波歸太駛
人言韜光最清絕有屐何曾折前齒固知春晴要相見
茲游可付泡影視

十二月十五夜蘭溪舟中對月

我行苦雪復苦風眼明乍見當頭月未嫌朔氣作冰凍
但覺寒光凜肌骨一年圓滿祇今宵千里飄零又明發
方長塗路畏淹留已過歡娛思恍惚沙上蕭蕭咽落雁
煙中杳杳橫飛鷗清輝照天夜映水遠黛如眉山似髮

村原合抱入蒼茫。浦岸迴環出凹凸。正憶金臺昨未歸。
此時玉杯飲初歇。江南子弟解彈箏。

輦下少年罷拄笏。倒騎花驄走相要。狂嚼銀蟾那敢沒。
張燈復挾酒。翻衣坐地不知露。涇襪漏聲欲斷客未散。
車輪已動歌轉滑。太行西來鬱嵯峨。居庸北鎖峙岑峴。
目窮幽并險阻塞。醉弔元明廢興窟。可憐半載兩去燕。
卻看片影孤依越。素娥冒冷倚瓊樓。青女霽威返瑤闕。
登艫曠望極川陸。委波餘彩耀林樾。頗聞羈旅古所嗟。
況是搖落歲將卒。浪游有枕支涕淚。充隱無田足耕墾。
空令鄧禹笑寂寂。豈獨殷浩書咄咄。異鄉終夕愴俯仰。

皓鏡殘弦恐奄忽男兒富貴早致身請念孤蓬煨桐柎

玉山

流水入章江歸人向越海無情忽相遭照此容鬢改天
寒斜日盡歲晏孤帆在沙頭一鷺明夕宿應前待

河口

悠悠河口水載我行三度流年日以新時先二立春滄波應

改故扁舟一悵望餘雪皓積素長煙聚遠空返照明荒
步千厓石氣寒半竹人家暮首途信征輿夕波勞屢顧
天邊獨鶴飛飲啄嗟奚慕

光澤

思伯子堂詩集

卷八

五

黯黯寒城雲蕭蕭歲晏日關河萬里來鞍馬一杯舉風
高暮天低大雪還山疾

除夕

一萬八千里勞勞半載行忍看慈母淚倍愴幼孤情
年十三先君子卒依風雪歸遲暮關河隔死生十年祭詩
倚伯兄以至今伯兄在日余不問家事歲以臘月之望
酒此夜共誰傾始畢力刪錄一年詩校草稿至除夕三
鼓而罷兄必待余同飲焉